

Na osnovu člana 13. Zakona o principima lokalne samouprave („Službene novine Federacije Bosne i Hercegovine“, broj 49/06) i člana 6. . Statutarne odluke o organizaciji organa Grada Tuzla u skladu sa Zakonom o Gradu Tuzla (“Službeni glasnik Grada Tuzla”, broj 1/14, 3/15, 7/15 i 12/15), a u vezi sa članom 127. Statuta općine Tuzla (“Službeni glasnik općine Tuzla”, broj 2/99, 9/00, 2/08 i 12/09) Gradsko vijeće Tuzla na prijedlog Gradonačelnika Grada Tuzle, Jasmina Imamovića, na svojoj sjednici održanoj dana.....2016. godine, donosi

**REZOLUCIJU
o odbijanju skladištenja prirodnog gasa u iskorištenim buštinama soli na
području grada Tuzla**

I

Imajući u vidu stalne i kontinuirane pritiske na lokalnu vlast u Tuzli, izjavama u medijima i na druge neprihvatljive načine, s ciljem da se dozvoli skladištenje prirodnog gasa u napuštenim komorama Rudnika soli, Gradonačelnik i Gradsko vijeće Tuzla odlučno odbijaju sve namjere, da se na području Tuzle locira skladište za smještaj prirodnog gasa ili drugih potencijalno opasnih materija, bez obzira na rezultate bilo kakvih analiza i potrebe da se iznade prostor za skladište gase.

II

Smatramo, da bi izrada projekta, kao što je skladištenje gase u napuštenim komorama Rudnika soli morala, pored geoloških, hidrodinamičkih i geotermalnih kriterija, morala imati u vidu i društvene, ekonomske i političke kriterije i razloge za realizaciju projekta.

Imajući u vidu političku situaciju na prostoru Bosne i Hercegovine i u Sijiju, kao i rizik od eventualnih kriznih situacija, što uključuje i već prisutni rizik od terorizma u Sijiju, imajući u vidu geološku nestabilnost područja na kojem se nalaze iskorištene bušotine soli u Tuzli, kao i činjenicu da ne postoji sigurna udaljenost eventualnih podzemnih skladišta prirodnog gasa od nadzemnih građevina, podzemnih objekata i komunalnih instalacija, smatramo da bi podzemna skladišta prirodnog gasa na ovako tektonski nestabilnom području, bila potencijalna tempirana bomba, koja bi mogla ugroziti živote, zdravlje i imovinu građana Tuzle, pa se traži od nadležnih organa da pronađu alternativne izvore toplotne energije za one gradove, koji se griju putem prirodnog gasa, kao npr. Sarajevo.

Smatramo, da bi se Sarajevo i drugi gradovi (Kakanj, Breza, Visoko, Zenica i drugi) mogli snabdijevati toplotnom energijom iz Termoelektarne Kakanj, na način kao što se snabdijevaju Tuzla i Lukavac, što bi bilo i ekološki prihvatljivo i ekonomski opravdano, jer zagrijavanje navedenih gradova ne bi zavisilo od skupog energenta iz inostranstva.

III

Zakonom o rudarstvu Federacije BiH („Službene novine Federacije BiH“, broj 24/2010) nije predviđena mogućnost, da se napuštene komore Rudnika soli ili bilo kog drugog rudnika koriste za smještaj prirodnog gasa, već naprotiv propisana je obaveza, da se nakon prestanka eksploatacije u skladu sa odredbama citiranog zakona izvrši rekultivacija degradiranih površina, kako bi se iste učinile bezbjednim.

S ciljem rekultivacije i zaštite područja od dalje degradacije, tražimo od JP Elektroprivreda BiH, nadležnih ministarstava i drugih organa da pristupe realizaciji projekta skladištenja šljake iz Termoelektrane Tuzla u iskorištene bušotine soli, čime bi se riješio problem odlaganja šljake odnosno šljačišta, te zapunile iskorištene bušotine soli i time učinile trajno sigurnim.

IV

S obzirom da veliki broj građana Tuzle sasvim sigurno ne želi skladište prirodnog gasa u blizini mjesta gdje žive i rade, gdje djeca idu u školu i na fakultete, tražimo od nadležnih da kod ovako važnih odluka po život građana ne zanemare njihovu volju i volju onih, koji ih predstavljaju (Gradonačelnika i Gradskog vijeća).

V

Poštujući volju građana Tuzle, te iz sigurnosnih razloga tražimo od Vlade Federacije BiH i Ministarstva energetike, industrije i rudarstva Federacije BiH, Vlade TK i Ministarstva energetike, industrije i rudarstva TK, da odbiju zahtjeve i inicijative energetskih lobija, kao i pojedinih osoba iz Tuzle, koje čak nisu ni stručnjaci iz oblasti skladištenja gasa.

VI

Rezoluciju objaviti u „Službenom glasniku Grada Tuzla“, na web stranici Grada Tuzla i sredstvima javnog informisanja.

GRAD TUZLA
Gradsko vijeće
Broj:
Tuzla,.....2016. godine

PREDsjedavajući

Jozo Nišandžić

Obrazloženje

Pravni osnov za donošenje ove Rezolucije su član 13. Zakona o principima lokalne samouprave („Službene novine Federacije Bosne i Hercegovine“, broj 49/06) i član 6. Statutarne odluke o organizaciji organa Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14, 3/15, 7/15 i 12/15), a u vezi sa članom 127. Statuta općine Tuzla („Službeni glasnik općine Tuzla“, broj 2/99, 9/00, 2/08 i 12/09).

Na prijedlog tadašnjeg Općinskog načelnika, Jasmina Imamovića, Općinsko vijeće Tuzla je na svojoj 24-toj redovnoj sjednici održanoj dana 24.01.2007. godine, odbilo Zahtjev Ministarstva energetike, industrije i rudarstva TK da se omogući BH Gasu da oformi skladište za smještaj gasa na lokaciji "Tetima" ili smještaj bilo kave druge potencijalno opasne materije i u cijelosti prihvatiло i podržalo mišljenje Općinskog načelnika u vezi sa nastalom situacijom.

No međutim, namjere energetskeih lobija i pojedinaca iskazane 2007. godine, pa i ranije, ponovo su aktuelizirane. Posljednjih mjeseci ponovo su u medijima prezentirane inicijative pojedinih energetskeih lobija, a evidentni su i pritisci pojedinaca na aktuelnu lokalnu vlast u Tuzli, da se u napuštenim komorama Rudnika soli u Tuzli smjesti prirodni gas, uz obrazloženje kako Bosna i Hercegovina ne posjeduje skladišta za prirodni gas, te kako je to nužno zbog čestih promjena cijena gase na tržištu i potencijalnih nestašica zbog političke situacije u Svetu, a da je, navodno, skladištenje u iskorištene bušotine Rudnika soli u Tuzli, najbolje rješenje.

To je i razlog predlaganja **Rezolucije o odbijanju skladištenja prirodnog gase u iskorištenim bušotinama soli na području grada Tuzla**, kako bi se zaštitili životi, zdravlje i imovina građana Tuzle i jasno dalo do znanja da će predstavnici građana Tuzle, Gradonačelnik i Gradska vijeće uvijek štititi osnovna ljudska prava građana, prije svega pravo na život, zdravlje i osobnu sigurnost.

PREDLAGAČ

Gradonačelnik Grada Tuzla

Jasmin Imamović